

LA ARLEF E DEDICHE IL LUNARI 2020 AI MÛTS DI DÎ DES 12 MINORANCIS DAL STÂT TALIAN

In distribuzion gratuite li de sede de Agjenzie

Ai 25 di Novembar dal 1999, cu la aprovazion de Leç n. 482 "Normis in materie di tutele des minorancis linguistichis storichis", la Republiche taliane e ricognosseve dodis minorancis linguistichis storichis che a fevelin idiomis diviers da talian. Si metevin in vore doi principis fundamentâi, stabilîts de Costituzion midiant l'art. 3 "Ducj i citadins a àn dignitât sociâl compagne e a son avuâi denant de leç, cence distinzion di ses, di raze, di lenghe, di religjon, di opinions politichis, di cundizions personâs e sociâls", e l'art. 6 "La Republiche e tutele cun normis di pueste lis minorancis linguistichis". E jere di fat la scree di un percors impuartant di valorizazion e di tutele che chest an al finis 20 agns. Par celebrâ dut chest, la ARLeF - Agjenzie Regionâl pe Lenghe Furlane, e à ideât il Lunari 2020, in version di taule, tant che un viaç che, mêis par mêis, al traverse in maniere simboliche la penisule taliane des minorancis, ricuardant il lôr valôr culturâl e lis lôr lenghis, custodis principâls de identitât e dal sens di partigince di un popul. Lis 12 lenghis a son, lis ricuardin, l'albanês fevelât di 100.000 personis in Calabrie, Sicilie, Pulie, Basilicade, Campanie, Molîs e Abruç; il catalan cui siei 7.500 fevelants cirche in Sardegne; il cravuat dal Molîs,

ARLeF AGJENZIE REGIONÂL PE LENGHE FURLANE

Dodis mêis in viaç pe Italie des minorancis linguistichis

Lunari pal 2020
Agjenzie Regionâl pe Lenghe Furlane

Legend: □ Regjons cence minorancis / □ Regjons cun minorancis ricognossudis

DOIMILE20

cuntune popolazion di 1000 unitâts; il francès pandût in Val di Aoste e Piemont, cun passe 95.000 locutôrs; il francoprovençâl presint sedi in Val di Aoste che in Piemont e in Pulie, fevelât di 70.000 personis; il grêc de Pulie e de Calabrie, cun passe 10.000 locutôrs; il ladin dal Trentin - Sud Tirôl e dal Venit, che al conte 31.000 fevelants; l'ocitan presint in Piemont, Liguria e Calabrie e fevelât di 100.000 personis; il sart che in Sardegne al è la lenghe doprade di un milion di personis; e infin, lis trê minorancis presintis te nestre regjon: il sloven che in Friûl - Vignesie Julie al conte 61.000 locutôrs cirche; il todesc che si cjate in Val di Aoste, Piemont, Trentin - Sud Tirôl, Venit e Friûl e fevelât di 361.000 locutôrs; e,

clâr, il furlan, cui siei passe 610.000 locutôrs in 173 comuns dal Friûl - Vignesie Julie e in trê dal Venit. Tal Lunari, ogni minorance e je rindude in maniere simboliche cuntune detule segnalade ae ARLeF de stesse comunitât tant che la plui rappresentative e identificative, proponût inte lenghe originâl cun zontadis lis traduzions par furlan e par talian. Stampât intun numar limitât di copiis, il Lunari **al è in distribuzion gratuite te sede de ARLeF (in vie della Prefettura 13 a Udine), fin che a'nd è.**

Pagjine par cure de ARLeF - Agjenzie Regionâl pe Lenghe Furlane



POWER MOTORS
Racing

**RIPARAZIONE AUTO
GOMMISTA • ELETTRAUTO
PREPARAZIONI SPORTIVE
RIMAPPATURA CENTRALINE**

POWER MOTORS di Tosoratti Denis - PAVIA DI UDINE - Via Udine, 34 - Tel. e Fax 0432 675962 - powermotors@libero.it